

Na osnovu 62. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05 i 2/06) i člana 16. Zakona o upravi („Službeni glasnik BiH“, broj 32/02), Agencija za državnu službu, donosi

## **ODLUKU**

### **o kriterijima šta se smatra istim ili sličnim poslovima za potrebe sprovođenja konkursa za radna mjesta državnih službenika u institucijama Bosne i Hercegovine**

#### **I**

Ovom odlukom utvrđuje se šta se smatra istim ili sličnim poslovima za potrebe sprovođenja konkursa za radna mjesta državnih službenika u institucijama BiH.

#### **II**

Smatraće se istim ili sličnim poslovima poslovi radnih mjesta prema sljedećem:

- za radna mjesta koja uključuju rukovođenje (rukovodeći državni službenici i šefovi organizacionih jedinica), istim ili sličnim poslovima podrazumijevaju se svi poslovi u organima uprave koji uključuju rukovođenje organizacionom jedinicom ili područjem rada;
- za radna mjesta koja ne uključuju rukovođenje (stručni saradnici, viši stručni saradnici i stručni savjetnici), istim ili sličnim poslovima podrazumijevaju se svi poslovi državnih službenika u organima uprave.

Pored organa uprave, odredbe prethodnog stava odnose se i na jedinice lokalne samouprave i organe pravosuđa.

#### **III**

Izvan organa uprave i drugih organa iz tačke II ove odluke, isti ili slični poslovi podrazumijevaće se samo iznimno, ako se opisi poslova na radnim mjestima u potpunosti ili u pretežnom dijelu podudaraju sa opisima poslova radnog mjesta koje se popunjava.

#### **IV**

Prilikom primjene ove odluke, ista će se na svakog kandidata primjenjivati na najmanje restriktivan način, odnosno u slučaju sumnje ići će se u korist kandidata.

#### **V**

Ova odluka stupa na snagu danom donošenja.

Broj: 03-02-208/06  
30. marta 2005. godine  
Sarajevo



**DIREKTOR**  
**Jakob Finci**